

POSTUPAK ZA UTVRĐIVANJE KANDIDATA ZA DOBITNIKE „ŠESTOAPRILSKE NAGRADE GRADA SARAJEVA“ U 2018. GODINI

I. PRVI SASTANAK

1. Konstituiranje Odbora za dodjelu „Šestoaprilske nagrade Grada Sarajeva“ u 2018. godini
2. Usvajanje Poslovnika o radu Odbora za dodjelu „Šestoaprilske nagrade Grada Sarajeva“ u 2018. godini
3. Usvajanje Postupka za utvrđivanje kandidata za dobitnike „Šestoaprilske nagrade Grada Sarajeva“
4. Utvrđivanje dinamike rada Odbora
5. Prijedlog teksta Javnog poziva
6. Prijedlog štampanih i elektronskih medija javnog informiranja u kojima će se objaviti Javni poziv i dinamika objave

II. SASTANAK

1. Prijem prijedloga za kandidate za dodjelu Nagrade s preporučenim rasporedom prijedloga po oblastima za dodjelu Nagrade.

III. SASTANAK

1. Utvrđivanje konačnog rasporeda prijedloga za kandidate po sljedećim oblastima: privreda, nauka i obrazovanje, kultura i umjetnost, sport, zdravstvo i socijalna zaštita i druge oblasti rada i stvaralaštva.
2. Utvrđivanje oblasti u kojima je zastupljeno dva ili više prijedloga za kandidate, odnosno oblasti za koje bi Odbor Gradskom vijeću mogao predložiti po dva kandidata za Nagradu.
3. Prijem utvrđenih spiskova prijedloga za kandidate po svakoj oblasti (glasački listić za prvi krug glasanja), na kojima će se članovi Odbora do sljedeće sjednice prema vlastitoj ocjeni, zaokruživanjem broja ispred prijedloga izjasniti o tome treba li Odbor glasati o predloženom kandidatu ili doprinos predloženog kandidata nije dovoljno značajan da bi ušao u konkurenciju za Nagradu. U drugi krug glasanja ulaze predloženi kandidati koji dobiju natpolovičnu većinu glasova članova Odbora.

IV. SASTANAK

1. Svaki član Odbora dostavlja nepotpisan spisak sa svojim izborom u prvom krugu glasanja. Glasanje se vrši tako što svaki član Odbora odabire prijedloge kandidata. Glasanje se vrši oznakom kandidata na jedinstvenim spiskovima koje dobiva svaki član Odbora.
2. Formira se komisija od 3 člana Odbora za brojanje glasova. Komisija evidentira glasove s nepotpisanih glasačkih spiskova i, na osnovu dobijenih rezultata, formira spisak za drugi krug glasanja (po potrebi), tako što u drugi krug ulaze kandidati koji su dobili većinu, najmanje sedam glasova članova Odbora u prvom krugu.
3. Ukoliko na osnovu rezultata glasanja proiziđe veći broj od dva kandidata po pojedinoj oblasti, Odbor utvrđuje spiskove za drugi krug glasanja (za svaku oblast za koju je ovo slučaj) Pojedinačno.
Ukoliko, na osnovu rezultata glasanja, preostane jedan predloženi kandidat, za doprinos u toj oblasti se predlaže Gradskom vijeću dodjela samo te nagrade.
Ukoliko preostanu dva predložena kandidata, ove kandidature se potvrđuju javnim glasanjem na kraju postupka i upućuju u formi prijedloga odluke, Gradskom vijeću na konačno odlučivanje.
4. Preuzimanje spiskova za drugi krug glasanja (po potrebi).

V. SASTANAK

1. Svaki član Odbora dostavlja nepotpisan spisak sa svojim izborom u drugom krugu glasanja (po potrebi). Glasanje se vrši tako što svaki član Odbora daje svoje glasove, i to tako da kandidatu kojeg favorizira daje najveći broj bodova, a sljedećem dva manje, a trećem po redu, po njegovoj ocjeni za još jedan bod manje. Najveći broj bodova iznosi onoliko koliko je kandidata o kojima se izjašnjavaju članovi Odbora, posebno za kandidate u svakoj oblasti za koju se Nagrada dodjeljuje. Članovi Odbora obavezno daju bodove svakom kandidatu koji je ušao u konkurenciju u drugom krugu glasanja.
2. Komisija za brojanje glasova evidentira glasove s nepotpisanih glasačkih spiskova, te na osnovi dobijenih rezultata glasanja, formira spisak sa po dva kandidata po oblastima za Gradsko vijeće, odnosno s jednim kandidatom, ukoliko u konkretnoj oblasti nije bilo konkurencije, a ukoliko je kandidatura koja se predlaže Gradskom vijeću na odlučivanje dobila podršku Odbora.
3. Odbor javnim glasanjem prihvata izvještaj Komisije za brojanje glasova i time potvrđuje prijedloge po dva kandidata, odnosno jednog kandidata za pojedine oblasti za Gradsko vijeće.

VI. SASTANAK

1. Odbor utvrđuje prijedloge odluka o dodjeli Nagrade za svakog kandidata pojedinačno (uz naznaku da se radi o pojedinačnoj, grupnoj, odnosno kolektivnoj Nagradi), u formi u kojoj se Gradsko vijeće o tako predloženim odlukama izjašnjava, sa odgovarajućim obrazloženjem.
2. Odbor utvrđuje izvještaj o svom radu i podnosi ga Gradskom vijeću na, a uz izvještaj dostavlja i potvrđene prijedloge odluka.
3. Ukoliko Odbor, na osnovu provedenog postupka, utvrdi da doprinos određenog predloženog kandidata nije ocjenjen kao doprinos za dodjelu „Šestoaprilske nagrade Grada Sarajeva“, Odbor može uputiti inicijativu prema ovlaštenim predlagačima, gradskim vijećnicima ili Gradonačelniku, da podnesu prijedlog za dodjelu drugog priznanja ili nagrade Grada Sarajeva, u skladu sa Odlukom o priznanjima i nagradi Grada Sarajeva za takvog kandidata.

OBRAZLOŽENJE:

Predloženi postupak je sačinjen na temelju dosadašnje prakse. Budući da su kriteriji, utvrđeni u Odluci o uslovima i načinu dodjele „Šestoaprilске nagrade Grada Sarajeva“, postavljeni vrlo široko, što je primjereno ovakvoj nagradi, predloženi postupak daje slobodu svakom članu Odbora da samostalno cijeni doprinos svakog kandidata, predstavljen u pisanoj prijavi.

Po prijemu kandidatura, najprije se eliminiraju kandidature koje nisu dostavljene u skladu s obavještenjem, odnosno gradskim propisom.

Na osnovu prvog razmatranja broja i sadržaja primljenih kandidatura, Odbor se određuje o tome da li su kandidati razvrstani prema oblastima kojima pripadaju, odnosno u kojima su dali najveći doprinos ukupnom razvoju Grada Sarajeva ili su svojim djelovanjem doprinijeli promociji Grada Sarajeva.

Istovremeno se Odbor određuje o tome koji broj kandidata po oblastima bi trebao ući u drugi krug glasanja.

O ovome se potrebno odrediti ukoliko je pristigao veliki broj prijava, te je potrebno izvršiti glasanje u dva kruga.

Ukoliko je pristigao manji broj prijava za svaku od predviđenih nagrada, glasa se samo u jednom krugu, a na način kako je to predviđeno za drugi krug glasanja.

Za prvi krug glasanja, ukoliko se glasa najprije u prvom, a zatim u drugom krugu, članovi Odbora preuzimaju uređeni spisak svih kandidata i samostalno se, zaolruživanjem imena isšpred kandidata određuju o tome je li doprinos kandidata vrijedan da uđe u konkurenciju za Nagradu.

U drugi krug će ući samo oni kandidati koji dobiju najmanje sedam glasova članova Odbora, dakle kandidati čiji izbor podržava većina članova Odbora.

Ukoliko samo dva, odnosno jedan kandidat, ako nema konkurencije u toj oblasti, dobije potrebnu većinu, njega će Odbor predložiti za dodjelu Nagrade.

Ukoliko više kandidata dobije potrebnu većinu prelazi se na drugi krug glasanja.

U drugom krugu glasanja svaki član Odbora dodjeljuje određenom kandidatu sa spiska, utvrđenog za drugi krug glasanja, određeni broj bodova.

Dakle, u drugom krugu, članovi Odbora bit će u prilici, određenim brojem bodova, odrediti se prema kandidatima koje favoriziraju, ali i o kandidatima koji nisu bili njihov izbor u prvom krugu glasanja. Svaki član Odbora će svakom kandidatu pridružiti određeni broj bodova, npr. ako je 5 kandidata prošlo poslije prvog kruga glasanja, svom favoritu dodijelit će 5 bodova, drugom 3, trećem 2, četvrtom 1 i 5 posljednji će ostati bez bodova.

Npr. ukoliko je 4 kandidata prošlo poslije prvog kruga glasanja, svom favoritu dodijelit će 4 boda, drugom 2, trećem 1, a četvrti, posljednji će ostati bez bodova.

Po dobivenim rezultatima, utvrdit će se konačna lista, a time i prijedlog dobitnika za dodjelu, Nagrade.

Odbor aklamacijom, dakle, javnim glasanjem potvrđuje ovako dobivene prijedloge. Dakle, prihvaća rezultate tajnog glasanja.

Na osnovu tako dobivenih rezultata, priprema se i Odbor utvrđuje prijedlog Odluke o dodjeli „Šestoaprilске nagrade Grada Sarajeva“ u 2018. godini za Gradsko vijeće i upućuje Gradskom vijeću na razmatranje zajedno s izvještajem o radu Odbora kojeg također usvaja.

Predloženim postupkom utvrđivanja prijedloga omogućuje se članovima Odbora da potpuno samostalno, bez međusobnog ubjeđivanja i dodatnog obrazlaganja svakog kandidata pojedinačno, cijene kandidature, te da objektivnost konačnog izbora proistekne iz zbroja različitih ocjena članova Odbora.